



Skina di Ruthy



Bon dia yen di alegria!


Skirbi pa Ruthy "Lady Ruth" Vrieswijk-Bergen

Mi dushi hendenan, bon dia yen di alegria ! Ban sigui gradici nos bon Dios pa un otro bunita dia regala na nos, pa medio di su Gracia, cu salud y harmonia. Cada dia tin su misterionan yena cu experencianan y lesnan nobo pa nos cada un. Y no ta tur dia ta e mesun dia. Despues di a tuma un paar di siman di vakantie, nos ta back cu nos relato semanal. Nos ta bay comparti awe, algo di e Concierto Dominical di dia 26 di Mei ultimo den Biblioteca Nacional, un mainta hopi agradabel atrobe. Luna pasa, April, e Concierto aki a worde dedica na nos tata di cultura Juan Chabaya "Padu" Lampe cu bunita musica y canto di canticanan di Padu, su prinses Vivian Lampe tambe a toca piano y na cierto momento e cantante y actor popular Persey a invita tur otro cantante presente pa bin join e den cantamento y nos tambe a lanta bay, aunke mi ex-juffrouw di derde klas na MPC antes, cu a fungi como maestra di ceremonia pa algun tempo no a gusta cu nos tambe a bay join, uff...nos tambe a tende su expresion no asina bunita. Ta cosnan cu sa pasa, bo no por ta gusta pa tur hende ,



pero nos no ta un hende vengativo, nos ta comprende cu mi libertad y tribilidad sa spanta hopi hende. Pa esnan cu ta sigui puntra Lady Ruth (un señoraa puntrami na e concierto di Mei cu e tin gani scucha mi recita poema), paskico mi no ta recita poema mas den y of durante e concierto aki. E contesta ta pasobra mi no ta worde puntra mas y nos no ta forza nos mes ariba ningun hende. Ora cu a purba toch un biaha mas pa a complace esnan cu a puntra biaha

pasa, ta haya e contesta cu e programa ta hopi yena caba. Ki bunita toch pa a tende un colega poeta Filomena recita den e concierto di 26 di Mei ultimo, aunke el a worde yama un anochi prome cu e concierto, pasobra tin biaha berdad gruponan sa cai afor y tin cu yena e programa. Naaaaah, nos no ta rabia cu niun hende , ta nan choice ken nan kier pone toch ? Nos ta bay pe artistanan.. Y mester duna otro poetanan tambe e bunita oportunidad pa nan comparti di nan talentonan, manera tabata e caso cu un hoben cu a presenta un "rap" bunita riba inspiracion di e buki dedica na amigo Ramon Todd Dandare " " E caya di Monche" y cu Liedrick Solognier tocando tambu espontaneamente puntra e momento ey, " Algo bunita pa menciona, ta, cu durante e concierto dominical dedica na Padu, nos a saca potret bunita di Padu cu su 99 aña, hunto cu e bunita mama (of suegra) di Carlos



"Carlyle" Bislip cu su 90 aña. Historia di nos dushi grandinan. Berdad ta un tiki laf ora un fotografo ta sacando un of mas potret y stroba pa algun minuut e bista di un of mas sinta den e publico, y eynan bo ta haya sa tambe ken tin manera y pasenshi of no, ora nan ta manera shu e fotografo cu nan mannan, manera un a purba di haci cu Lady Ruth den e concierto di Mei . Ach, ach, bida no ta inspira tur hende cu e mesun alegria tur ora. Naaaaaaah, nos no ta rabia pa esey tampoco, e persona ey su casa ta un caballero cu a yega di baila cu otro amig-

ganan, dus, no mester tuma na malo ora algo asina pasa toch ? - Bo ta kere cu toch nos hendenan di nos dushi Aruba ta hendenan dushi, pero no ta tur. Enfin, nos a goza e baile cu e tremendo MC Andonsito Croes y nos a goza e presentacion di e grupo tipico y e grupo cu a toca jazz y mas, cu Liedrick



Solognier riba e.o. un tambu cu e mes a traha ! E concierto di Mei , dedica na Liedrick Solognier di Dakota tur dia, kende pronto lo bay sigui studia na Hulanda.locual e ta gusta y locual e ta super pero super bon den dje. Nos, como poeta, liber den expresion, ta spera cu no a trapa teenchi di ningun hende, simplemente, cosnan cu otronan tambe por sinja di nan, un trapi nos dilanti pa sigui subi, un poeta democratico cu ta stima nos cultura y nos musica. Un cu ta apoya tur artista ! Y corda cu nos tur ta birando mas grandi dia pa dia, ni maske nos tinja nos cabe! Pesey, sigui goza di tur locual nos isla ta brinda nos na actividadnan social cultural! Danki pa lesa nos relato cu atencion y curason ! GBU !! We love you too ! Pasa un dushi dia yen di alegria !

